

## GJALDSKRÁ

### fyrir stuðningsþjónustu í Múlaþingi

### samkvæmt lögum um félagsþjónustu sveitarfélaga.

#### 1. gr.

##### *Almenn heimilisstörf.*

Þjónustuþegi greiðir fyrir aðstoð við almenn heimilisstörf. Fullt gjald fyrir stuðningsþjónustu er 2.411 kr. fyrir hvern unninn tíma. Aldrei er þó innheimt fyrir meira en 10 klst. á mánuði. Þjónusta umfram það er gjaldfrjáls.

Mögulegt er að sækja um lækkun gjalds og skal það metið sérstaklega af starfsmönnum fjölskyldusviðs samkvæmt viðmiðum í fylgiskjali með gjaldskrá þessari. Afsláttur eða niðurfelling gjalda er metin samkvæmt innsendum tekjuupplýsingum/skattframtali. Kjósi þjónustuþegi af einhverjum ástæðum að skila ekki inn tekjuupplýsingum greiðir hann fullt gjald. Undanþága frá gjaldi gildir ekki fyrir heimsendan mat.

Stuðningsþjónusta vegna fatlaðra barna er gjaldfrjáls.

#### 2. gr.

##### *Heimsendur matur.*

Þjónustuþegi greiðir fyrir heimsendan mat. Hver skammtur kostar 1.282 kr.

#### 3. gr.

##### *Daggjald í dagvist aldraðra.*

Samkvæmt reglugerð um dagdvöl aldraðra, nr. 1245/2016, er upphæð daggjalds 1.579 kr.

#### 4. gr.

##### *Fæðisgjald.*

Fæðisgjald í Stólpa, hæfingu/iðju, er 1.282 kr. á dag.

#### 5. gr.

##### *Útlagður kostnaður vegna félagslegs stuðnings.*

Notandi stuðningsþjónustu greiðir eigin kostnað vegna frístundastarfs sem hann tekur þátt í með stuðningsaðila. Fjölskyldusvið Múlaþings endurgreiðir stuðningsaðila útlagðan kostnað gegn framvísun kvittana, að hámarki 7.000 kr. á mánuði. Sveigjanleiki er varðandi það að nýta fjármagn frá mánuði til mánaðar, þó ekki á milli ára.

#### 6. gr.

##### *Garðsláttur.*

Greitt er fyrir garðslátt skv. gjaldskrá þjónustumiðstöðva í Múlaþingi. Umsækjendur sem metnir eru í þörf fyrir stuðningsþjónustu geta átt rétt á allt að þremur gjaldfrjálsum garðsláttum yfir sumarið að uppfylltum skilyrðum eigna- og tekjuviðmiða skv. 1. flokki í fylgiskjali með gjaldskrá þessari. Þeir sem falla undir eigna- og tekjuviðmið skv. 2. flokki í fylgiskjalinu geta átt rétt á 50% afslætti á tímagjaldi gjaldskrár þjónustumiðstöðva Múlaþings. Þeir sem falla innan þriðja flokks eiga ekki rétt á garðslætti hjá sveitarfélaginu.

#### 7. gr.

##### *Snjómokstur.*

Greitt er fyrir snjómokstur skv. gjaldskrá þjónustumiðstöðva í Múlaþingi. Umsækjendur sem metnir eru í þörf fyrir stuðningsþjónustu geta átt rétt á snjómokstri. Í undantekningatilfellum er hægt að sækja um gjaldfrjálstan snjómokstur og er þá miðað við eigna- og tekjuviðmið í 1. flokki í fylgiskjali með gjaldskrá þessari. Þeir sem uppfylla eigna- og tekjuviðmið skv. 2. flokki í fylgiskjalinu geta átt möguleika á 50% afslætti á tímagjaldi gjaldskrár þjónustumiðstöðva Múlaþings. Þeir sem falla innan

Þriðja flokks eiga ekki rétt á snjómokstri hjá sveitarfélaginu. Undantekningar geta átt við í tilfalli þeirra sem hafa samþykkt ferðabjónustu eða njóta heimahjúkrunar.

8. gr.

*Innheimta.*

Gjöld eru innheimt mánaðarlega. Greiðsluseðlar berast ekki heim með pósti nema þess sé sérstaklega óskað.

9. gr.

*Endurskoðun upphæða.*

Tímagjald fyrir stuðningsþjónustu tekur breytingum samkvæmt vísitölu neysluverðs sem reiknast frá 1. október ár hvert. Viðmiðunarupphæð tekjumarka tekur breytingum í samræmi við lífeyrisgreiðslur almannatrygginga. Viðmiðunarupphæð eignamarka tekur breytingum samkvæmt útgefnu eignaviðmiði félags- og vinnumarkaðsráðuneytis vegna sérstaks húsnæðisstuðnings. Sjá tekju- og eignaviðmið í fylgiskjali.

10. gr.

*Gjaldstaka og lagastoð.*

Gjaldskrá þessi, sem er sett í samræmi við 26. gr. laga um félagsþjónustu sveitarfélaga nr. 40/1991, öðlast gildi 1. janúar 2025. Um leið fellur úr gildi gjaldskrá fyrir stuðningsþjónustu í Múlaþingi samkvæmt lögum um félagsþjónustu sveitarfélaga nr. 1649/2023.

*Samþykkt í sveitarstjórn Múlaþings, 11. desember 2024.*

**Björn Ingimarsson** sveitarstjóri.

**Fylgiskjal.****Útreikningar á gjalddöku fyrir stuðningsþjónustu.**

Útreikningar á gjalddöku fyrir stuðningsþjónustu miðast við tekjur og eignir heimilisins. Tekjuviðmið í gjaldskrá miðast við lífeyrisgreiðslur almannatrygginga og taka breytingum samkvæmt þeim.

Viðmiðunarupphæð lausafjáreignar fer eftir eignaviðmiði sem gefið er út af félags- og vinnu- markaðsráðuneytinu vegna sérstaks húsnæðisstuðnings og tekur breytingum samkvæmt því. Viðmiðunarupphæð lausafjáreigna var 7.747.666 kr. 1. janúar 2025. Þeir einstaklingar sem eiga eignir umfram viðmiðunarupphæðina greiða tímagjald skv. 3. flokki í töflunni hér fyrir neðan.

Tekjulágir einstaklingar geta sótt um lækkun gjalds vegna stuðningsþjónustu til félagsþjónustu og skal það metið sérstaklega samkvæmt neðangreindri töflu.

*Kostnaður sem hver einstaklingur greiðir á klst. miðað við tekjur.*

| <i>Tekju-<br/>viðmið</i> | <i>Einstaklingur, kr.</i> | <i>Hjón, kr.</i>    | <i>Greitt pr. klst. kr.</i> |                        |       |
|--------------------------|---------------------------|---------------------|-----------------------------|------------------------|-------|
| 1. fl.                   | 0 – 421.380               | 0 - 674.208         | 0%                          | Niðurgreidds tímakaups | 0     |
| 2. fl.                   | 434.782 - 652.173         | 674.208 – 1.006.812 | 50%                         | Niðurgreidds tímakaups | 1.205 |
| 3. fl.                   | 652.173 og hærra          | 1.006.812 og hærra  | 100%                        | Niðurgreidds tímakaups | 2.411 |